


مکتبہٴ اسلامیہ

ادبی و سیاسی رسالہٴ اسبوعیہ در

۳۱ ہجری سنہ



۸ جلدی الاولى ۱۳۳۰

پنجشنبہ

جلد : ۱۴ — جزو : ۱۴۳



سليم ثالث زمانده انكيزلرلك استانبوله هجومى

محررى

مورخ دريول

(مابعد عن جزؤ ١٤٢)

بو ايكي نتيجهدن هر برينك حصولى عادتا نابوليونك كيف و آرزوسنه مسلم بوليور و بويوك قوماندانك تخيلات جهانگيرانهسى ايسه اسكندر كيوك ايران و هندستانه كتديكي ايزلرى تعقيب ايليور كى كورينبوردى .

ديگر طرفدن روسيه نك قسطنطينيه و بحر سفيده طوغرى ايملك آرزو و ميبلى دخى آندن دهآز شديد اولمدينى كى، كندينى و ايكي هدف آماله سوق ايدن عوامل و عنعنات دخى قوتجه دهآشاغى بولمخوردى .

عنعناتك حيات ملله تأثيرى ايسه قوانين ارثيه نك اشخاص اوزرنده كى تأميرندن فرقلى دگدر: روسيه، متمسك اولديى (ارتودوكس) مذهبنى قسطنطينيه دن اقتباس و قبول ايلش و (كيف) شهرى ده حدودنى شرق ايمپراطورلغنه مديون بولمخشد . روسيه ايمپراطورى روم ايمپراطورلرينك صوك وارثه سلطتى اولان (صوفيا باله اولقغ) ى تحت ازدواجنه آلمش و بوگون چارلرلك آرمه سنده حشمتما اولان ايكي باشلى عقاب سطونى ايسه شرق ايمپراطورى قسطنطينك آرمه سنده كى صورتك عيى بولمخشد .

بيوك پترو ايله ايكنجى قاترينه استانبول يولنى طوتدقلى وقت خاصه روسلرلك آمال مذهبيه سنى تمثيل ايتكده ايديلر .

حتى ، ايكنجى (قاترينه) نك مستقل بر يونانستان وجوده كتيرمك خصو - سنده كى تصوراتى دخى روسلرلك سويداى قلوبنده مركزوز بولمخش اولان حسيات مذهبه الجا آتندن ايدى .

اوقتار يخلرده ايسه انكلتره نك چشم بصيرتنه بر نوع عمارتارى اولمش و متبصر اولمق لازم كلان بودولت . روسلرك آمال و منويات مخصوصه لرني . كندى امرای بحريه سنى روس سفن حربه سنده استخدا مه مساعد بولنه جق قدر ترويج ايتمكه بولنمشيدى . فقط مؤخرأ برنجى پول مسند حكومه كچديكى وقت يونابارت ايله ايران و هندستانى ضبط واستيلا خولياسنه دوشدى . خلفى اولان برنجى آلكساندر ايسه روسلرك سياسيات قديمه و مليه سنه رجوع ايله ينه يونانستانى احيا بوليتيقي سنى تعقيب ايدرك طونه اوزرينه يوريمكه باشلادى . ناپوليون انكليزلردن زياته نفوذ نظر ايله روس بوليتيقي سنده كى تهلكيلى ادراك ايتمكه و روسلرك غير قابل تسكين اولان آمال استيلا كارانه لرني و بونك نتيجه سى اوله رق سرپوش روحانى روميانك تابللق دگزندن بحر سفيده قدر فرمان فرماى غلبه و تحكم اوله يلك احتمالى “ ۱) كورمكه مشكلات چكمدى .

اوقتار يخلرده فرانسه مجلس اعيانى ايمپراطوره خطاباً تسطير ايلديكى برعريضة ده : « بوزاغ ايچنه مجاور اولان ابهار و اراضى ايله بر نقطه مركزيه در . كه طبيعت طرق تجاريه عالمى عموماً اوقتاده جمع و مركز ايتديرمك ايسه مشدر . بنا عليه روسلر (بوسفورى) يد ضبط و استيلا لرنيه آليرلر ايسه تجارت جهان اوزرينه تماماً تأمين حاكميت ايتلش اولورلر . » جمله سنى قيد ايتملش ايدى .

ديگر طرفدن ناپوليون ده محرراتندن برنده ينه بو مسئله ده دائر : « انكلتره روسيه نك دائره اتفاقه داخل اولمقله كنديسى ايچون بر گرداب اضمحلال تشكيل ايتلش اوليور ، كه آنك مقدار عمقنى ايچنه دوشديكى وقت آكلامش اوله جقدر . » ديمشدر . ۲)

۱) بوجه ناپوليونك اقولندن اولوب مخابراتندن عينا مستخرجدر .

۲) ناپوليون ، انكليزلر ايچون تخيل ايتديكى گرداب بلانك ده ا عميقنه موسقوه سفرنده كنديسى دوشمشدر . انكليزلر سادالانه اطوار ايله رقيبلى اولان موسقوفلرى اولابور و بوسورتله حصم طبيعى بيلديكى حريص شان و اقبال ناپوليونك باشنه بر چوراب اورمك ايتيوردى . نه كيم موفق اولدى . بوزالى سنده ن برى انكليزلر هيچ بر قومه توحيد سياست ايتامش فقط لزوم كورنديكه ميايل كورنمشدر .

اگر فرانسه ایله روسیه ۱۸۰۱ ده برنجی پولک زماننده اولدینی وجهله اختلاف و اتحاد ایدمه بیلسه ایدی او وقت انکلتزه ایچون تهلکه تضاعف ایتمش اولوردی . چونکه بویکی دولت برلشجه ، کندیلری ایچون سلطنت عثمانیه بی برطرف ایدرک ، آناتولی و ایران طریقله برمشیت عظیمه عسکریه اجرایی و انکلتزه نك ال بیوک اسباب ثروت و سطوتی تشکیل ایدن هندستانك ضبط و استیلاسی دائره امکانه گیرمش و بوضورتله فرانسه ایله روسیه جهانیه تشمیل حکم و نفوذ ایلمش بولنوردی .

انکلتزه ایسه کندیسسی ایچون ضروری و لازم الاتباع اولان طرز حرکتی آنجق هندستانی بالتدریج تماماً ضبطه موفق اولینجه ادرک ایدمه مامش و بوعظیم خطه نك برکون مبنای سطوت و مکنتنی تشکیل ایدمه جکنی نهدن صکره آکلامشدر . او آندن اعتباراً مصر طریقنی یش تجسسده بولندیرمق لزومنی ده حس ایتمش و شرقه عاید هیچ بر مسئله نك کندیسسی لاقید براقیمیه جفی آز چوق وضوح ایله نظر نده تعین و تحقیق ایلدیگی کی ، بواحوال و شرائط مخصوصه نك ایجاباتی ایسه اون طقوزنجی عصرده اتخاذ ایلدیکی مستمرات پولتیقه سنك ده اساسنی قورمغه سبب اولمشدر .

§

۱۸۰۷ تاریخنه طوغری انکلتزه ، کندینك ال بیوک دشمنی اوله رق فرانسه بی کورمکده ایدی . فرانسه نك ده درسعادت سفارتی جنرال (سباستیانی) ایضا ایدیوردی .

دیگر طرفدن روسیه (ویستول) نهری اوزرنده مشغول بولنیوردی . شوخالده ناپولیونك شرقه نفوذ پولتیقه سی حیز حصوله کلک ایچون میدان بردرجهیه قدر سربست بولمقده ایدی . چونکه روسلرک ، بولولتیقه نك بالتطبیق موفقیتیه اقترانه مانع اوله یلک مقصدیلله طونه بی مرور ایتملری و استانبوله یوریملری هان امکان خارجه جیقتمش ایدی . انکلتزه روسیه نك طونه بی کچیمیه جکنی آکلامجه کندیسسی [چناق قلمه بوغازینی] کچمکه قرار ویردی . فی الحقیقه بوقرانی ده اجرایه

موفق اولدى . فقط قوللاندينى وسائط ناقص اولدينى ايجون اميد ايتديكى
نتيجه يي استحصال ايدهمدى .

تركلمه كلنجه : سيايياتك بوتظاهرات مشوشه سندن وبوآمال استرقابكارانه نك
مصادمات حريصانه سندن زياده سيله انديشناك اوله رقى . روسيه يه قارشى اعلان
حربده اوزون مدت تردددن قورتيله مامشلردى . نهايت ۲۷ كانون اول ۱۸۰۶
تاريخنده اتخاذا قرار ايلديلر ؛ وروسيه سفيري (ايتاليه نسكى) يه پسابورطنى اعطا
ايتديلر . ۱۸۰۷ سنه مى كانون ناييسنك بشجى كوني ده سليم ثالث ، روسيه يه
اعلان حربى ناطق اولان بياننامه يي نشر ايلدى .

بوبياننامده روسيه يه قارشى بر خيلى احوال مشتكلها تعداد ايدملكده ايدى .
مثلا ، سفير ايتاليانسكى يه وقوع بولان تبليغاتدن ده شديده برلسان ايله روسيه نك
يارم عصردن برى بلاد عثمانيه يه قارشى جراتياب اولدينى تجااوزات ، قريشك
استيلاسى ، گرجستانك ضبطى ، صربيلرك روس آقچه و مهمماتيله عصيان ايتمش
اولملرى ، معاهدات موجوده حكمنجه (جزاير سبعة جمهوريتنك) حايه سى روسيه
ايله عثمانيلره مشتركاً مودوع ايكن ، بو حايه يي روسيه نك منفرداً اجرا امرنده كى
مدعياتى ، روسلرك يانيه واليسى (تبه دلى) على باشايه قارشى چور دكلرى
فرلداقلا ، قره طاغده احدات وايقاع اولنان قيام ، خرسيتيان تبعه عثمانيه نك
روس قونسولوسلرى طرفدن على التمدادى وظائف تابعيتى مغل حر كاته تشويق
وتحرى ك ايدملرى . اولاح - بغداد اهالي سنه روس تابعيتى حجتنامه لر ينك توزيى ،
خلاصه عموم ممالك عثمانيه نك روس نفوذيله تسيم اولندينى برر برر تذكرا
وتكرار اولتمقده ايدى .

كذا ينه بوبياننامده ، اولاح - بغداد بكلرينك خيانتلرى تحقق ايتمى
اوزرينه طرف شاهانه دن عزل ايدلكلرى وروسيه سفير ينك (قاينارجه عهدنامه سنه)
استناداً وقوع بولان اعتراضه مبنى باب عالينك هر دلو وسيله ، مخاصمه يي بر طرف
ايتك و تميلات استلافكارانه سنك آثارينى فعلاً اظهار واثبات ايتمش اولق ايجون
بكلرى ويو واده لغه تكرار اقعاد ايتديكى وبوكا رغماً بر ايكي هفته مرور ايدر ايتمز

هیچ بر سبب اومقصرین و حقوق دول قواعدینه کلیاً مخالف اوله رق بر روس اردوسنک
 (مولداویه) به دخول ایله (بندر) و (هو قسیم) قلعه لرینی بفتة ضبط ایلدیکی
 و سفیر لری برنس (ایٹالیانسی) بیله بوتجاوز ناکهانی به متعلق اسباب در میاندن
 بیان عجز ایلدیکی و باب عالی بوبابده ایضاحات آلق امیدیه بر آی بکلدیکی حالده
 ایضاحات منتظره به نائل اوله مدینگی گبی، روس جنرالدرینک بر طاقم نشریات اغفالکارانه
 ایله تبعه مسلمینی بیله (اولاح) ده کی صرب عاصیلرینه التحاقه تشویق ایستدگری
 بسط و ذکر ایدلمش و خاتمة مقال اولقی اوزره آرتق باب عالینک بو حالدره ده
 زیاده تحمل ایدمه چکی و چونکه صبر و تائیده دوامک عجز وضعفه محمول اوله جنی
 و عون و عنایت الهیه به استناداً حربیه مباشرت ایلدیکی و بویوزدن دو کیله جک
 قان ایله عالم انسانیتک معروض قاله جنی مصائبک مسئولیتی تمامیه روسیه به عائد
 اولدینی اعلان قلمقده ایدی .

بو بیاننامه نك نشرندن بر قاج کون صکره سلیم ثالث بوغازلرک بالجله سفن
 حربیه به مسدود بولندیغنی متضمن برده فرمان اصدار ایلدی .
 انکلتزه حکومتی بدایت حالده روسیه نك اتخاذ ایلدیکی مسلك و حرکتی
 تصویب ایتمامش و در سعادتده کی سفیری (آربوت نوط) : « انکلتزه نك ، باب عالی
 فرانسه حکومتیه برکونا اتفاق عقد ایتمامک شرطیه اعلان بیطرفی ایلدیکنی »
 رسماً بیلدیر مشیدی . دیگر طرفدن بکر شده کی انکلز قونسلاوسی (سومه ره) ده
 متجاوز روس اردوسی قوماندانی اولوب کندیسنی سفره سته دعوت ایتمکده اولان
 جنرال (میکلسون) دن روسلرک مقصدلری نه اولدیغنی ممکن مرتبه اوکرنمک
 ایچون امر ویر مشدی .

(مابعدی کله جک نسخه ده)

